

大唐開元禮



大唐開元禮



大唐開元禮卷第一百三十三

凶禮

計奏

爲外祖父母舉哀 爲皇后父母舉哀

爲諸王妃主舉哀 爲內命婦舉哀

爲宗戚舉哀 闕文 爲貴臣舉哀

爲蕃國主舉哀

臨喪

臨諸王妃主喪 臨外祖父母喪

臨皇后父母喪 臨宗戚喪

臨貴臣喪

除服

除外祖父母喪服 除皇后父母喪服

計奏

爲外祖父母舉哀

皇帝爲外祖父母舉哀本司散下其禮所司隨職供辦尙舍奉御先於別殿設素褥牀席爲舉哀成服位南向尙衣奉御先製小功五月之服守宮先於舉哀殿外門之外隨便設百官文武次如常其日舉哀前三刻諸衛屯門列仗如常諸應陪慰者竝赴集次所

典儀於舉哀殿門外布百官位亦如常又於殿前設諸王三品以上哭位文東武西重行北向相對爲首諸親位於文武官五品之下

皇宗親在東異姓親在西

又於階下

當御位北面設太尉奉慰位文武百官到入次改服素服侍中版奏請中嚴亦在三刻之前尙衣奉御以篋奉衰服升立於殿東間北面典謁引諸王百官一品以下九品以上俱就門外位文武侍衛之官詣閣奉迎舉哀前一刻侍中版奏外辦皇帝服素服御輿出升別殿降輿卽哭位南向坐侍衛如常儀至時侍中跪奏請爲故某官

若某郡君

舉哀俛伏興皇帝哭十五

舉聲侍中跪奏請哭止成服俛伏興皇帝止尙衣奉

御以篋奉衰服進跪授興仍贊變服焉

於變服則權設步障已而

去成服已侍中又跪奏請哭俛伏興皇帝哭通事舍

人引諸王文武百官三品以上入就殿庭位舍人贊

拜羣官在位者皆再拜舍人贊哭羣官在位者皆哭

十五舉聲舍人贊止羣官在位者皆止舍人引諸王

爲首者一人進詣奉慰位跪奉慰俛伏興舍人引退

還本位又舍人次引百官文武行首一人進詣奉慰

位跪奉慰俛伏興舍人引退還本位舍人贊拜在位

者皆再拜舍人引三品以上退出其四品以下位於

門外者典謁贊哭贊止引退如殿庭之儀侍中跪奏
請哭止還俛伏興皇帝御輿降還侍衛從至閣如初
所司宣仗散其日晡哭則晡前二刻奏嚴一刻奏辦
皇帝服衰服出卽位次哭如初百官不集自後朝晡凡三
日而止

爲皇后父母舉哀

右與爲外祖父母禮同其異者製總麻三月之服朝
晡再哭而止

爲諸王妃主舉哀

本司散下其禮所司隨職供辦尙舍奉御於肅章門

外道東設大次南向周以行帷鋪御座設素牀褥席
守宮隨便於永安門外設文武官五品以上便次其
日舉哀前三刻侍中版奏請中嚴前二刻諸衛列仗
如常典儀於大次前量遠近設一品以下應陪集者
哭位文東武西重行北向相對爲首百官皆集次改
服素服就位又於大次前設奉慰位前一刻文武侍
衛之官詣閤奉迎如常侍中版奏外辦皇帝素服御
輿複道以出從闈宮後門入之大次其無複道者百官於外門外爲
位降卽哭位南向坐侍衛如常至時侍中跪奏請爲
故臣某官若主若妃舉哀俛伏興皇帝哭通事舍人贊羣

官拜羣官在位者皆再拜

若百官爲門外位者候入
大次通事舍人引三品以

上入次前位四品
以下仍門外位

舍人贊哭羣官在位者皆哭十五

舉聲舍人贊止羣官在位者皆止舍人引文武官行

首皆一人詣奉慰位跪奉慰俛伏興引退還本位舍

人贊拜羣官在位者皆再拜訖

有門外位者典謁
贊拜贊哭贊止

侍

中跪奏哭止俛伏興又奏請還宮退本位立皇帝哭

止御輿降還其侍衛從至閤如常所司宣仗散其日

晡哭則晡前二刻奏嚴一刻奏辦皇帝仍初服出卽

位次哭如初

侍衛如初
百官不集

自後本服周者凡三朝而止

本服大功者其日晡哭而止本服小功以下一舉哀

而止若皇太子陪舉哀則素服左庶子啟引從帷宮南門入至大次前啟再拜訖引升東閒之南北面哭於百官哭止皇太子哭止進御座前跪俯伏興再拜於百官退引降拜還如初其宮官等應陪拜慰者則隨班於上臺自下皆然

爲內命婦舉哀

與爲諸王妃主禮同其三夫人以上其日仍晡哭而止其九嬪以下一舉哀而止

亦隨恩賜之淺深

爲宗戚舉哀

闕文

爲貴臣舉哀

與爲諸王禮同其異者一舉哀而止

貴臣謂職事三品以上散官一

品其餘官則隨恩賜之淺深

爲蕃國主舉哀

與爲貴臣禮同其異者城外設帷幔爲次向其國而哭之至舉聲而止

臨喪

皇帝臨諸王妃主喪

本司散下其禮所司隨職供辦尙舍直長先設行宮大次於主人第大門外之西南向守宮於主人大門外隨便設諸從駕文武之官便次其所臨者五屬之

親於乘輿未到之前立先集列於主人之第其執事預於其寢北設障幔爲主人五屬婦女拜哭次其日未出宮前四刻侍中版奏請中嚴出宮前三刻搥一

鼓爲一嚴

三嚴時節前一
日侍中奏裁

所司整設小駕鹵簿於所

出宮門外如常儀出宮前三刻又搥二鼓爲再嚴奉禮於所出宮門外設陪從之官位如常尙舍奉御先於主人第大門外次之內設皇帝座南向又於主人堂上中間設素褥牀席爲哭位亦南向典儀又於主人庭中設陪從之官位文東武西重行北向相對爲首又於御座前階下設奉慰位主人執事於堂下設

五屬之親位於東階之東重行西面北上

以服精麤為序而尊

者差前也

又設五屬婦女位於堂北幔下主女位於東廂

西面南上妻妾位於西廂東面南上眾婦人位於北

廂重行南面諸親在東相對為首

以服精麤為序而尊者差前其五屬

內外並陪臨於此所

諸陪從之官各服常服赴集其位有司整

列皇帝四望車以下及仗衛之屬應列鹵簿者於內

外如常儀出宮前一刻又搥三鼓為三嚴侍衛之官

詣閣奉迎如常侍中版奏外辦皇帝服常服御輿以

出繖扇華蓋侍衛警蹕如常儀皇帝降輿升車黃門

侍郎當車前跪奏稱黃門侍郎臣某言請乘輿發退

復位

凡黃門侍郎奏請皆進跪奏稱具官臣某言訖俛伏興

駕動警蹕如常黃

門侍郎與贊者夾輅以出至侍臣上馬所黃門侍郎進跪奏稱請駕權停勅侍臣上馬俛伏興侍中前承詔退稱制曰可黃門侍郎退唱侍臣上馬贊者承傳文武侍臣上馬畢黃門侍郎奏稱請乘輿發退復位轡駕動稱警蹕鼓吹不作文武羣官應陪從者乘馬以從駕至行宮門外侍中進跪奏請降車俛伏興退復位皇帝降車御輿就大次其輿輦以下鉞戟仗衛之屬陳列於大次之前左右皇帝變服素服其陪從之官各舍於便次變服素服其侍臣及文武官不變

服主人相者引主人內外五屬之親各服衰服就堂下外內位次哭典儀一人立於堂下東階東南贊者二人立於其南差退俱西面皇帝變服訖御輿出侍衛如常主人免經去杖司儀令引出大門外望見乘輿止哭再拜迎仍引主人先入門右西面立不哭

其未

殯則通拜迎拜送於大門內也

相者贊眾主人以下皆止哭皇帝至

堂侍中跪奏請降輿升俛伏興

於所臨喪者非尊秩則御輿升堂

皇

帝降輿升自東階卽哭位巫祝各一人先升巫執桃立於東南祝執茆立於西南相向千牛四人執戈隨升二人先二人後侍臣夾升列於戶內外及階下左

右其仗衛鹵簿止列於門外內如常司儀令引主人入中庭北面典儀稱拜主人內外皆再拜勅引主人升司儀令引主人升立於戶內之東西面侍中跪奏請哭俛伏興皇帝哭典儀稱哭贊者承傳唱可哭

凡典

儀有辭贊者皆承傳

主人以下在位者皆哭典謁引諸從官應

陪臨者入卽班位立定典儀稱拜從官在位者皆再拜典儀稱哭從官在位者皆哭十五舉聲典儀稱止從官在位者皆止典謁引諸王爲首者一人進舍人接引詣奉慰位跪奉慰俛伏興舍人引退典謁接引還本位又典謁次引諸從官文武行首一人進舍人

接引詣奉慰位跪奉慰俛伏興舍人引退典謁接引
還本位典儀稱拜在位者皆再拜訖典謁引從官在
位者出又典謁次引諸王等以次出侍中跪奏請哭
止俛伏興皇帝止典儀稱哭止主人以下皆止司儀
令引主人降立於庭中之東北向典儀稱拜主人以
下皆再拜侍中跪奏請還俛伏興皇帝降御輿出侍
衛警蹕如初司儀令引主人先出俟於大門外拜送
皇帝至大次降輿卽御座變服司儀令引主人哭還
廬次皇帝停大次未發前三刻侍中版奏請中嚴所
司預奏三嚴每嚴搥鼓如初整列仗衛鹵簿於還途